

U G O V O R

za usluge štampanja omota spisa i ostalog štampanog materijala

Zaključen između:

BOSNA I HERCEGOVINA - USTAVNI SUD BOSNE I HERCEGOVINE, Reisa Džemaludina Čauševića 6/III, Sarajevo, koga zastupa Mirsad Ćeman, predsjednik Ustavnog suda Bosne i Hercegovine (u daljem tekstu: **Naručilac**)

i

„ŠTAMPARIJA FOJNICA“, d.d., Prokoški put bb, Fojnica, ID broj 4236045660000, koga zastupa Mirsad Mujčić, direktor (u daljem tekstu: **Izvršilac**)

Član 1.

Predmet ovog ugovora je štampanje omota spisa i ostalog štampanog materijala prema definisanim uslovima iz tenderske dokumentacije broj SU-08-351-4/18 od 13. marta 2018. godine i prema sadržaju ponude Izvršioca broj 80/18 od 19. marta 2018. godine, sa kojom je Izvršilac učestvovao u provedenom postupku konkurentskog zahtjeva za dostavljanje ponuda i rezultatima održane e-aukcije.

Član 2.

Cijena za štampanje omota spisa i ostalog štampanog materijala, definisana nakon e-aukcije, iznosi 2.800,00 KM bez PDV-a odnosno 3.276,00 KM sa uračunatim PDV-om.

U cijenu su uračunati i troškovi isporuke u prostorije Naručioca - Reisa Džemaludina Čauševića 6, treći sprat, Sarajevo.

Član 3.

Izvršilac se obavezuje da će Naručiocu, prije početka štampanja, dostaviti pripremu za štampu u PDF ili drugom formatu, na odobrenje. U slučaju da Izvršilac pristupi štampanju bez odobrenja Naručioca, Naručilac će vratiti materijale na ponovno štampanje o trošku Izvršioca.

Izvršilac se obavezuje da će poslove iz člana 1. ovog ugovora izvršiti najkasnije 30 dana od dana potpisivanja ugovora.

Izvršilac se obavezuje da će Naručiocu isporučiti robu iz člana 1. ovog ugovora u prostorije Naručioca u ulici R. Džemaludina Čauševića 6, Sarajevo - III sprat, te da će istu pratiti potrebna dokumentacija.

Izvršilac se obavezuje da će dostaviti fakturu na osnovu otpremnice potvrđene od strane Naručioca da je preuzeo robu koja u potpunosti odgovara traženim tehničkim elementima iz tenderske dokumentacije. U slučaju odstupanja, Naručilac će vratiti materijale na ponovno štampanje o trošku Izvršioca.

Član 4.

Naručilac se obavezuje da će, s obzirom na sistem trezorskog poslovanja institucija BiH, odmah, a najkasnije u roku od 30 dana po prijemu robe bez primjedaba i dostavi fakture, istu prosljediti na plaćanje Ministarstvu finansija i trezora BiH.

Isporučilac je saglasan da Naručiocu neće zaračunavati kamate za zakašnjenje prilikom plaćanja preko Trezora, ako je Naručilac u ugovorenom roku predao nalog za plaćanje Trezoru BiH.

Član 5.

Na odnose između ugovornih strana koji nisu uređeni ovim ugovorom primjenjuju se odredbe Zakona o obligacionim odnosima u BiH.

Član 6.

Sve eventualne sporove ugovorne strane će nastojati riješiti sporazumno, u duhu dobrih poslovnih odnosa i uzajamnog povjerenja.

Ukoliko se sporazumno rješenje ne postigne, nadležan je Sud Bosne i Hercegovine.

Član 7.

Ovaj ugovor se zaključuje na period od 12 mjeseci i stupa na snagu danom potpisivanja od strane ovlaštenih lica ugovornih strana.

Član 8.

Ugovor je sačinjen u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

ZA IZVRŠIOCA

Mirsad Mujčić

Direktor



ZA NARUČIOCA

Nataša Vuković

Generalni sekretar
Ustavnog suda Bosne i Hercegovine



Datum: 16. 4. 2018. god.
Broj: _____

Datum: 11. 4. 2018.
Broj: SU-08-351-11/18